



PERILLVSTRI
AC
GENEROSISSIMO
DOMINO
PETRO AB HOHENTHAL
FALKENBERGAE COSSAE REL. DYNASTAE
SERENIS. ELECT. SAX. IN COLLEGIO SVPR. SACR
ITEMQVE RERVV OECONOMIC. ET COMMERC
PROPRAESIDI
ATQVE
ILLVSTRISSIMAE DOMINAE
FRIDERICAE HENRICAE
E COMITIBVS
GERSDORFIIS
AVSPICATISSIMAS NVPTIAS
GRATVLATVR
ACADEMIA LIPSIENSIS

LIPSIAE LITTERIS LANGENHEMIIIS



BERLIN
D. O. M. H. D.
PETRO AN HONORABIL

PROFESSOR
ADVO

FRIDERICAE HENRICAE

et conjugum

GEDSDREANS

AVSROGESSIMAS PARTIS

ACADEMIAE PRAESIDENTIS

...





Non semper alto detonat aethere.
Nubesque voluit Iupiter, aut
diem

Iratus intercludit orbi
Grandinibus per inane sparsis:

Semper proteruis non Aquilonibus
Campos adustos tristis hiems premit,
Nec, asperatis semper vndis,
Prata rigent sine veste florum.

Quum bruma cano ferrea frigore
Defaevit, nec quas vehat horridis
Alis pruinas, quasue tetro
Guttare spiret, habet procellas,

Ver, dissoluto tegmine nubium,
Effert Olympo purpureum caput,
Sumtisque flexos versus axem
Solis equos reuchit capistris.

Panduntur orbis frugiferi fores,
Iam mitiori ridet ab aethere
Apollo, spumantemque secum
Abripiunt hiemem fluenta.

Per laeta spirant leniter osculis
Lasciuientes prata Fauonii,
Vestitur hortus, forma campis
Pulcra redit, nemorique frondes.

TV, quem laborum tot vigilum premit
Illustre pondus, cuius edacium
Mens plena curarum salutem
Saxoniae stabilit decusque,

O parce curis, parce memòr TVI,
HOHENTHAL, orbis gloria diffiti!
Quo plus salubres pandit ignes,
Hoc citius perit aucta lampas.

Iam diuidendae ciuibus exue
Felicittatis sollicitudinem;
Et qui tot orbi viuis annos,
Hunc TIBI viue diem; nec vllas

Eius nitore cura malignior
Aspergat umbras! Vos, Charites, comam
Ornate fertis, ferte flores,
Edite laetitiaeque voces.

Tu, quique Regum celsa palatia,
Et tecta pulsas frondea pauperum,
Extolle, plausus inter, altum,
Connubialis Amor, tropaeum.

Quod non supremi gloria nominis,
Non splendor auri, nulla cupiditas,
Vicere pectus, nuptiali
Vincere te face vidit orbis.

Congratulamur, victor Amor, tibi,
Tanti triumphus magnificentiam,
GERSDORFIANIS vsus armis
Quem superare virum nequiffes?

Aurora quotquot gramine penfiles
Fulgore guttas induit aureo:
Tot Gratiarum turba SPONSAE
EX OCVLIS TIBI, SPONSE, rident.

Sed quidquid EIVS lumina gratiae,
Quidquid decoris flos referat genae,
Expers sepulcri cuncta virtus
Exsuperat, velut astra Phoebus.

Haec gaudiorum mater amabilis,
Haec sola miscet terrigenas Diis:
Si cuncta defint, vna cuncta
Munificis manibus ministrat.

Dent iura Reges gentibus vltimis,
Addantque regnis regna potentibus,
Absorbeant auro doloso
Lubrica quidquid habet voluptas:

vos, sanctiori pandite gaudio
Feliciores pectora Regibus,
Haurite caelestemque plenis
Laetitiam cyathis Deorum.

V. 214

J. K. 85.

1018

X 355 34 86

FR 267330

Ardore fausti viuite mutuo,
 Exempla terris viuite, CONIVGES,
 Quid iuncta virtus, quid voluntas
 Corporibus queat vna binis!

Vt cymba tuto fertur in aequore,
 Quum fraenat iras Aeolus Africi:
 Sic VESTRA, nullis tacta curis,
 Vita fluat placide per aeuum!

At, Musa, caeli progenies, diem
 Narra futuris carmine saeculis:
 Iam vinculum Dis cerne nexum,
 Et tacito venerare vultu.



MC

14



PERILLVSTRI
 AC
 GENEROSISSIMO
 DOMINO
 TRO AB HOHENTHAL
 FALKENBERGAE COSSAE REL. DYNASTAE
 ENIS. ELECT. SAX. IN COLLEGIO SVPR. SACR
 EMQVE RERV M OECONOMIC. ET COMMERC
 PROPRAESIDI
 ATQVE
 LLVSTRISSIMAE DOMINAE
 IDERICAÆ HENRICAÆ
 E COMITIBVS
 GERSDORFIIS
 SPICATISSIMAS NVPTIAS
 GRATVLATVR
 ACADEMIA LIPSIENSIS

LIPSIÆ LITTERIS LANGENHEMIIIS

